

К ОПУБЛИКОВАНИЮ

КОМИ РЕСПУБЛИКАЛӨН ОЛАНПАС

«Коми Республикаын вермытöмъяслы уджалан местаяс квотируйтöм йылысь» Коми Республикаса Оланпасö вежсьöмъяс пыртöм йылысь

Примитöма Коми Республикаса
Каналан Сöветөн

2024 вося лöддза-номъя тöлысь 14 лунö

1 статья. Пыртны «Коми Республикаын вермытöмъяслы уджалан местаяс квотируйтöм йылысь» Коми Республикаса Оланпасö (Коми Республикаса канму власьт органъяслөн индöд-тшöктöмъяс, 2013, 37 №, 692 ст.; 2018, 19 №, 351 ст.; 2020, 22 №, 369 ст.; 2021, 20 №, 372 ст.) татшöм вежсьöмъяс:

1) водзкыв гижны тадзи:

«Тайö Оланпасыс «Россия Федерацияын вермытöмъясöс социальнöя дорйöм йылысь» Федеральнöй оланпас, «Россия Федерацияын йöзöс уджөн могмöдöм йылысь» Федеральнöй оланпас серти (водзö – Федеральнöй оланпас) ладмöдö Коми Республикаын вермытöмъяслы уджалан местаяс квотируйтан юкöнын торъя юалöмъяс.»;

2) 1 статьяса 1 пунктын «сы лыдын кодъяс корöны суйöрсайса уджалысьясöс,» кывъяс киритны;

3) 3 статьяса 2 пунктö «положение вынсьöдöм» кывъяс бöрын содтыны «дінмуын канму контроль (дöзьöр) тайö сикассö котыртöм да сійöс збыльмöдöм дорö öтувъя корöмъяссьö тöд вылö босьтöмөн, кутшöмъясöс урчитöма Россия Федерацияса Вескöдлан котырөн» кывъяс;

4) 4 статья гижны тадзи:

«4 статья. Вермытöмъясöс удж вылö босьтöм вылö торъя уджалан местаяс

Вермытöмъясöс удж вылö босьтöм вылö торъя уджалан местаяслөн лыдыс урчитсьö Коми Республика мутасын йöзöс уджөн могмöдан юкöнын Коми Республикаса олöмö пöртысь власьт органөн быд удж сетысьлы вермытöмъясöс удж вылö примитöм могысь урчитöм квота мындаын.»;

5) 5 статья киритны;

6) 6 статья гижны тадзи:

«6 статья. Вермытöмъясöс удж вылö примитöм могысь квота тшöт весьтö вичмöдöм (лöсьöдöм) уджалан местаяс вылö вермытöмъясöс удж вылö босьтöм

1. Удж сетысь збыльмöдö вермытöмъясöс удж вылö примитöм могысь урчитöм квотасö Россия Федерацияса Вескöдлан котырөн урчитöм пöрадок серти:

1) сэк, кор вермытöмкöд уджалан места вылö удж йылысь сёрнитчöмсö кырымалöма веськыда удж сетысь дорын;

2) сэк, кор вермытöм да мукöд организация костын удж йылысь сёрнитчöмсö кырымалöма вермытöмъясöс удж вылö босьтöм йылысь артмöдчöм серти, кутшöмöс кырымалöны удж сетясь, кодлы урчитöма вермытöмъясöс удж вылö примитöм могысь квотасö, да мукöд организация костын;

3) Россия Федерацияса Веськöдлан котырöн урчитöм мукöд случайын.

2. Коми Республика мутасын вермытöмъясöс колö босьтны удж вылö вермытöмъясöс удж вылö босьтöм йылысь артмöдчöм серти, кутшöмöс урчитöма тайö статьяса 1 юкөнлöн 2 пунктöн, удж сетясьлöн (сйöс петкöдланінлöн, филиаллöн) меститчанін серти.

3. Вермытöмъясöс удж вылö босьтöм йылысь артмöдчöм кырымалан пöрадксö да сылысь формасö Федеральнöй оланпаслöн 38 статьяса 8 юкөн серти вынсьöдö Россия Федерацияса Веськöдлан котыр.

4. Удж сетясьясöс мездöны вермытöмъясöс удж вылö примитöм могысь урчитöм квотасö олöмö пöртöмысь:

1) сэк, кор удж сетясьяс лоöны вермытöмъяслöн öтйöза öтувьясöн;

2) Россия Федерацияса Веськöдлан котырöн урчитöм мукöд случайын.»;

7) 7 статья киритны.

2 статья. Тайö Оланпасыс вынсялö 2024 вося кöч тöлысь 1 лунсянь.

Коми Республикаса Веськöдлан котырлы лöсьöдны ассьыс нормативнöй инöда актъяссö тайö Оланпас серти.

Коми Республикаса Юралысь

В.В. Уйба

Сыктывкар

2024 вося лöддза-номъя тöлысь 24 лун

41-РЗ №